

Tionscadal Chluain Tarbh go Lár na Cathrach

BILEOG EOLAIS


Bileog Eolais Uimhir 1
– Eanáir 2022

A Chónaitheoir/A Úinéir Ghnó,
Tá eolas le fáil sa bhileog seo faoi Thionscadal Chluain Tarbh go Lár na Cathrach.

Is tionscadail iompair é Tionscadal Chluain Tarbh go Lár na Cathrach (Tionscadal C2CC) a bhfuil Comhairle Cathrach Bhaile Átha Cliath freagrach as. Tá sé á mhaoiniú ag an Údarás Náisiúnta Iompair.

Soláthrófar saoráidí siúil agus rothaíochta ar ardchaighdeán, agus bonneagar tosaíochta bus feadh bhealach 2.7km a shíneann ó Bhóthar Chluain Tarbh ag an acomhal le Bóthar Ailf Uí Bhroin, chomh fada le Sráid Amiens ag an acomhal le Sráid Thalbóid. Tá an bealach seo sainaitheanta mar phríomhbhealach i bPlean Gréasán Rothar Mhórchearantar Bhaile Átha Cliath, a d'fhoilsigh an tÚdarás Náisiúnta Iompair in 2013. Le cois uasghráduithe ar an ngréasán rothar a sholáthar agus bonneagar iompair feabhsaithe, cuimsítear sa tionscadal uasghráduithe a dhéanamh ar bhonneagar an ghréasáin uisce i gcomhpháirt le hUisce Éireann. Chomh maith leis sin, tá uasghráduithe suntasacha le déanamh ar chosáin, tá crainn le cur agus tá bearta glasaith eile le cur i bhfeidhm.

Tá sé beartaithe tús a chur leis an obair thógála a bhaineann leis an tionscadal seo ag tús 2022. Chun an tionscadal fiúntach ach casta seo a chur i gcrích ar mhaithe leis an gcathair, beidh sé riachtanach cur isteach go sealadach ar chúrsaí tráchta sa cheantar. Déanfaidh Comhairle Cathrach Bhaile Átha Cliath, i gcomhpháirt lena conraitheoir, iarracht an cur isteach a íoslaghdú a mhéid agus is féidir. Soláthrófar nuashonruithe rialta agus tráthúla maidir le socruithe sealadacha bainistíochta tráchta de réir mar a leanfar leis na hoibreacha.



CÉARD ATÁ SA BHILEOG SEO?

1. Forléargas ar an Tionscadal
2. Amharcléirithe Tionscadail
3. Bainistíocht Tráchta i Rith Oibreacha Tógála
4. Conas Teagmháil a dhéanamh Linn
5. Nuashonruithe Breise



1 FORLÉARGAS AR AN TIONSCADAL

Seo a leanas an méid a bheidh mar thoradh ar Thionscadal C2CC:

- Soláthrófar saoráidí rothaíochta ar ardchaighdeán, leanúnacha, cosanta chun freastal ar dhaoine de gach aois agus cumas, agus freastal ar an éileamh atá ann faoi láthair agus a bheidh ann amach anseo;
- Feabhsófar sráideanna trí gach cosán feadh an bhealaigh a atógáil, ocht bplás pobail a chruthú agus cabhrú le glasú feabhsaithe trí chrainn nua a chur agus tírdhreachú bog.
- Soláthrófar naisc shábháilte agus inrochtana do choisithe agus do rothaithe ó Pháirc Fhionnradhairc, rud a chiallaíonn go mbeidh Páirc Fhionnradhairc inrochtana do chách.
- Soláthrófar siúlbealach nua do choisithe i bPáirc Fhionnradhairc.
- Soláthrófar cuid de Ghlasbhealach Ghleann na Tulchann ó Dhroichead Annesley go Bóthar Ailf Uí Bhroin.
- Feabhsófar saoráidí do choisithe trí chosáin a uasghrádú agus trasrianta breise do choisithe a shuiteáil feadh na conaire ina hiomláine;
- Feabhsófar amanna agus iontaofacht aistear bus;
- Cabhrófar le hastaíochtaí iompair a laghdú de réir chuspóirí an Phlean Gníomhaithe ar son na hAeráide trí thacú le haistriú córa iompair chuig taisteal gníomhach agus úsáid iompair phoiblí;
- Athsholáthrófar thart ar 6km de phríomhphíopaí uisce 100 bliain d'aois. Beidh sé seo mar bhonn le sceith uisce a laghdú agus leanúnachas soláthair a chinntiú amach anseo.

2 AMHARCLÉIRITHE & LÍNÍOCHTAÍ TIONSCADAIL

Tá líníochtaí dearaidh de Thionscadal C2CC curtha ar fáil agus is féidir breathnú orthu sna leabharlanna áitiúla seo a leanas:

- Leabharlann Mheal Charleville, An Trá Thuaidh, Baile Átha Cliath 1
- Leabharlann Marino, 14 - 20 Marglann Marino, Baile Átha Cliath 3

Tá tuilleadh íomhánna, líníochtaí tírdhreacha agus tuarascáil maidir le dearadh na ríochta poiblí a bhaineann le Tionscadal Chluain Tarbh go Lár na Cathrach le fáil ar shuíomh gréasáin Chomhairle Cathrach Bhaile Átha Cliath: www.dublincity.ie/c2cc/

3 ATREORUITHE TRÁCHTA I RITH OIBREACHA TÓGÁLA

Ceanglaítear ar chonraitheoir an tionscadail seo clár oibreacha a ullmhú, a áireofar ann plean bainistíochta tráchta sealadach mionsonraithe chun na hoibreacha tógála a éascú.

I rith chéim dearaidh an tionscadail, príomhábhar breithniúcháin ba ea go mbeadh an chéim tógála á bainistiú ar bhealach a chinnteodh go bhféadfaí an tionscadal a chur i gcrích ar an mbealach is éifeachtaí agus is féidir. Ar an tslí seo, is féidir an tréimhse ama a gcuirtear isteach ar chúrsaí tráchta sa cheantar a laghdú oiread agus is féidir.

Maidir leis na socruithe bainistíochta tráchta atá le cur i bhfeidhm, ceanglófar ar an gconraitheoir oibreacha trí lána tráchta ar a laghad a choimeád oscailte i gconair an tionscadail, le dhá lána amach lena n-áirítear lána bus amach, agus lána bus isteach amháin. Ciallaíonn sé seo, i rith roinnt tréimhsí nuair a bheidh na hoibreacha ar siúl, go bhféadfaí trácht ginearálta isteach a

atreorú mórthimpeall na n-oibreacha. Fad is atá na hatreoruithe seo i bhfeidhm, coimeádfar bealaí isteach agus amach oscailte le haghaidh busanna, tacsaithe, rothaithe agus úsáideoirí cosáin sa cheantar, agus beidh rochtain ag daoine áitiúla ar an gceantar an t-am ar fad.

Feadh codanna áirithe den bhealach, beifear in ann na hoibreacha a chur i gcrích fada is atá lánaí tráchta ginearálta isteach agus amach fós oscailte. B'fhéidir go mbeadh sé riachtanach nuair atá oibreacha nach dtógann mórán ama á ndéanamh, a áirítear iontu obair ag trasbhealaí bóthair ag codanna srianta mar shampla, na lánaí tráchta á laghdú go dtí níos lú ná trí lána le haghaidh tréimhsí gearra. Déanfar na hoibreacha seo nach dtógfaidh mórán ama nuair nach mbeidh tionchar ollmhór acu ar chúrsaí tráchta, agus b'fhéidir go mbeadh sé riachtanach roinnt oibreacha a dhéanamh thar oíche freisin.



4 CONAS TEAGMHÁIL A DHÉANAMH LINN

Má theastaíonn tuilleadh eolais uait maidir le Tionscadal C2CC nó más mian leat teagmháil a dhéanamh linn, féach ar na roghanna thíos:

- Suíomh Gréasáin an Tionscadail: www.dublincity.ie/c2cc
- Cuntas Ríomhphoist an Tionscadail: c2ccproject@dublincity.ie
- Seoladh Poist an Tionscadail: Comhairle Cathrach Bhaile Átha Cliath, Tionscadal C2CC, An Roinn Comhshaoil & Iompair, Bloc 2, Urlár 7, Oifigí na Cathrach, An Ché Adhmaid, Baile Átha Cliath 8, D08 RF3F.
- Oifigeach Idirchaidrimh Tionscadail Chomhairle Cathrach Bhaile Átha Cliath: 01 222 2536

5 NUASHONRUITHE BREISE

Is é an aidhm atá ag Foireann Tionscadail Chomhairle Cathrach Bhaile Átha Cliath eolas soiléir, beacht agus cruinn a chur ar fáil do chónaitheoirí agus do ghnóthaí feadh bhealach Thionscadal C2CC, do gach úsáideoir chonair Thionscadal C2CC, agus do gach páirtí leasmhar ábhartha, ionas go gcuirtear an tionscadal i gcrích ar bhealach nach gcuireann isteach ar bhealach iomarcach ar gach duine, agus ionas go bhfuil rochtain ag páirtithe leasmhara ar fhaisnéis atá á nuashonrú go rialta maidir le stádas agus dul chun cinn an tionscadail.

Ullmhófar doiciméad Ceisteanna Coitianta (CCanna) agus beidh an doiciméad ar fáil sna míonna amach romhainn agus déanfar é a nuashonrú agus a chothabháil i rith chéim tógála an tionscadail.

Tá súil agam go mbeidh an t-eolas seo úsáideach agus, mar atá luaite thuas, cuirfear tuilleadh nuashonruithe ar fáil fad is atá Tionscadal Chluain Tarbh go Lár na Cathrach ar siúl.

